

# L'atun – in temp critic per ils erizuns

■ (cc) Mintg'onnn moran en las vignas svizras millis utschels e tschients erizuns, perquai ch'els restan fitgads en las raits da vignas. Las raits vegnan tendidas per proteger l'iva d'uschenu-mands utschels problematic sco merlotschas e sturnels. Tuttina na fan las raits betg ina distincziun tranter ils laders d'iva ed ils auters utschels. Er utschels da preda ch'han quintà cun in lev butin en las raits, sa scumbiglian en las anzas e moran d'ina crudaivla mort.

Questa mazzacra pudessan ins evitar senza grondas stentas, sch'ins tendass bain las raits senza laschar foras. Ultra da quai duessan ins francar las raits sche pussaivel in pau sur il terratsch. Sche las raits ston tuttina cuntanscher il terratsch, alur na dastgan nagins tocs da rait libra restar sin il terratsch. E suenter la vendemia èn las raits d'allontanar immediat.

## Ils erizuns èn per regla la notg sin via

Nua che tocs da rait libra sa chattan sin il terratsch, datti grond privel ch'els sa scumbiglian en las anzas da la rait cun lur chommas, lur testa e lur spinas. Alur na pon els pli fugir. Ils fils fins da las raits sinteticas als taglian la pel ed als chaschunan uschia ina mort dolorusa. Erizuns cun grevas feridas pon savens be pli anc vegnir mazzads. Als viticulturs che franchiseschan lur raits senza quità, duain ins perquai appellar ed als render attents dals problems.

## Ils erizuns fan in sien d'enviern

Be en il mender cas vegnan erizuns envernads er en staziuns d'erizuns. Ma ils



Il temp d'atun è fitg critic per ils erizuns.

LQ

amitgs dals animals emblidan adina puspè ch'els erizuns èn animals selvadis protegids ch'èn adattads fitg bain ad ina vita or en il liber e che ston perquai vegnir laschads en libertad tant sco pussaivel. Mintga erizun ch'ins entaupà durant il di n'è betg malsaun e na sto betg vegnir tgirà! E mintga erizun pitschen n'è betg in orfen abandonà da ses geniturs! Per ils erizuns daventi critic pir, sch'els vegnan chattads cur ch'il terratsch è già schelà u cur ch'i dat già ina cuverta da naiv serrada. Tgi ch'ha gugent erizuns, als fa il meglier servetsch,

sch'el prepara in mantun feglias en ses iert per ch'els possian far lur sien d'enviern là.

Per tegnair erizuns vuli da princip ina permissiun. Tgi che chatta d'enviern in erizun ed ha la pussaivladad da'l laschar envernar en ses iert, po retrair in fegl d'infurmaziun correspondent tar l'uffizi per la natira e la cuntrada, Rohanstrasse 5 a 7000 Cuira. Ins stuess ir a la staziun d'erizuns be cun animals malsauns u blessads. Ad interim posseda en il Grischun be l'asil d'animals a Cuira, Rheinmühleweg 84, ina staziun d'erizuns.